

600

K 1810  
1a

მ. შარაძის თარგმანი, ი. ჩიჩუას გამოცემა

# სსოვრება

დიდისა მოწამისა პანტელეიმონისა



თბილისი

სტამბა მ. შარაძისა და აბხ. ნიკ. 21

1894

የገቢዎች ሚኒስቴር

მ. შარაძის თარგმანი, ი. ჩიხუას გამოცემა.

# ს ს ლ ვ რ ე ბ ა

წმ. დიდისა მოწამისა პანტელეიმონისა.



*K'1810  
10*

ბზილისი.

Типографія М. Шарадзе и К-о, Ник., 21.

1894.



Дозволено цензурою. 25 Апрѣля 1894 года,  
г. Тифлисъ.



## სსოპრეპა

წმ. დიდისა მოწამისა პანტელეიმონისა.

**ს**აეკლესიო ისტორიიდგან სჩანს, რომ  
იესო ქრისტეს შობის ჰირველ სამა-  
სის წლის განმავლობაში რომის სა-  
სელმწიფოში დიდად სდევნიდნენ ქრისტიანებს,  
მაგრამ ეველასედ საშინელი დევნა და ქლუტა  
ქრისტიანებისა იყო სამას სამიდგან სამას  
ცამეტ წლამდე დეოკლიტიანე მეფის დროს.  
დეოკლიტიანე ჰირველად ცხრამეტის წლის  
განმავლობაში ქრისტიანებს არა სდევნი-  
და; ქრისტიანები თავისუფლად აღიარე-  
ბდნენ თავიანთს სარწმუნოებას, აკებდნენ და  
ამშვენებდნენ ეკლესიებს, მაგრამ სამას სამს

წელს მეფემ, თავისის სიძის გალერის ჩაგონებოთ, ბრძანება გასცა: „ეველა ეკლესია დანგრეთ, საეკლესიო წიგნები დასწვით ღ იმათ, ვინც ქრისტეს აღიარებს, ეოველივე უფლება და ღირსება ჩამოართვითო“. სწორედ ამ დროს მეფის სასახლეში ცეცხლი გაჩნდა და ცეცხლის გაჩენა მაშინვე ქრისტიანებს დააბრალეს. ამის გამო მეფე განრისხდა და ხელახლად გასცა ბრძანება: „დიდიდგან ზატარამდე ეველამ ჩვენს ღმერთებს თაყვანი სცეს და ვინც წინააღმდეგობა გაჭბედოს, სტანჯეთ და სიკუდილით დასაჯეთო.“

მალე საზერობილეები ქრისტიანებით გაივსო. არაუითარს ღონესა და საშუალებას არა ჰსოკავდნენ ქრისტეს მოწმუნეთა დასამორჩილებლად. ასობითა და ათასობით სწავდნენ, არჩობდნენ, ჯვარსედ აკრავდნენ, წვეტიანის ჩანგლებით ხორცს აკლეჯდნენ და სხვა, მაგრამ ჭემპარიტის სარწმუნოებითა და ქრისტეს სიუვარულით აღგონებული ქრისტი-

ანები სიხარულითა და სიამოვნებით ეგებებოდნენ ყოველ გვარს ტანჯვა-წამებას. მარტო ეგვიპტეში ან ორმოცდა-ოთხი ათასი ქრისტიანი აწამეს. ერთი იმ დროის მწერალთაგანი ლაკტანცი სწერს, რომ „ქვის გული და ასი ზირი რომ მქონოდა, მანც ვერ ავსწერდი იმათს სხვა-ღ-სხვა გვარს ტანჯვა-წამებასაო. მდევნელნი იქამდე გასასტიქდნენ, რომ ქრისტიანს ჯერ სტანჯავდნენ ხოლმე, მერე განჰკურნავდნენ ღ შემდეგ უარესს სასჯელს მიაყენებდნენო“.

ნიკომიდიისი ქრისტე-მოზა ღამეს მძვენიერს ტამარს ცეცხლი წაუკიდეს და შიგოცი ათასამდე მლოცავი ქრისტიანი ამოსწვეს. ფრიგიაში კიდევ მთელი ქალაქი გადასწვეს ქრისტიან მცხოვრებლებით ღ ექვსი ათას ხუთასი ქრისტიანი ჯარის-კაცი, რომლის უფროსიც წმ. მავრიკი იყო, სულ ერთიანად ამოსწევითეს.

---



სე საშინლად სდევნიდნენ ქრისტიანებს რომში. მხოლოდ გალლიასა, ბრიტანიასა და ისპანიაში არა სდევნიდნენ და ესეც იმიტომ, რომ იმ დროს იმათი მმართველი იყო ქრისტიანების დიდი მოხრეული კოსტანცი ხლორი. რომი იმ დროს ისეთი ძლიერი სასულემწიფო იყო, რომ მთელი ქვეყანა იმას ემორჩილებოდა. სამას ხუთს წელს დეოკლიტიანემ მეუობას თავი დაანება და მაქსიმიანი გაბეჭდა. მაქსიმიანიც დეოკლიტიანეს გზას დაადგა და რვა წლის განმავლობაში ქრისტიანებს მოსვენებას არ აძლევდა. წმ. ჰანტელეიმონიც ამ დროს ეწაძა.

წმ. ჰანტელეიმონი დაიბადა ქ. ნიკომიდიისში. ამავე ქალაქში სცხოვრებდა თვით მაქსიმიანი მეუფეც. ჰანტელეიმონს დედა ქრისტიანი ჰყავდა და მამა კერპო თაყვანისმცემელი. დედას ევუულა ერქვა და მამას—ევსტორგი. დედამამ ჰანტელეიმონს ჯერ ჰანტელეონი



დაარქვეს, რომელიც ჰნიშნავს „ლომი ვაჟ-  
კაცობითა და სიმხნით“. მეგრე, გულ-კეთილო-  
ბისა და გულ-მოწყალებობის გამო, სახელი  
შეუცვალეს და ჰანტელეონის მაგიერ ჰანტე-  
ლეიმონი დაარქვეს. ჰანტელეიმონი-კი ჰნიშნავს  
„ყოველთა მოწყალეს“. დედა ჰატარაობიდანვე  
უქადაგებდა ჰანტელეიმონს ქრისტეს სარწმუ-  
ნობას და ეუბნებოდა, კერძებს ნუ იწამებ,  
ჭემბარტი ღმერთი იწამე, იმას ეცი თაყვანი  
და ასიამოვნე შენის კეთილის ქცევითაო.  
ჰანტელეიმონი დედის დარჩევას ხალისით  
ეურს უკლებდა და შეძლებისადა გვარად გუ-  
ლში იმარხავდა. ცოტა ხანს შემდეგ დედაც  
გარდაეცვალა და უდედოდ დარჩენილმა ჰატარა  
ჰანტელეიმონმა ძალე შეითვისა მამის ხასიათი.  
როცა ცოტა წამოიზარდა, მამამ სასწავლებე-  
ლში მისცა. სასწავლებელი რომ გაათავა,  
მამამ ჰანტელეიმონს დიდი ნიჭი შეამჩნია და  
გამოჩენილს ექიმს მიაბარა მკურნალობის  
შესასწავლად. ნიჭიერმა ჰანტელეიმონმა ისე

მალე შეითვისა ეველათერი, რომ თავის  
ამხანაგებს გადააჭარბა სწავლითა და ცოდნით.  
თითქმის თავისს მასწავლებელს ეფროსინესაც-კი  
ბევრით აღარ ჩამორჩებოდა. ამას კარდა ჰან-  
ტელეიმონი მეტად მშვიდი, კარგი მოღაპა-  
რაკე და მშენიერის სახის ემაწვილი იყო. ამის  
გამო ეველას უეგარდა და ჰატევისა სცემდნენ.  
ეფროსინე სასახლის მკურნალი იყო და როცა  
იქ მიდიოდა, ჰანტელეიმონიც ხშირად მიჰყავდა.  
მეფემ ერთხელ თვალი მოჰკრა ჰანტელეიმონს,  
ძლიერ მოეწონა და ეფროსინეს უბრძანა: ექი-  
მობა კარგად ასწავლე და ჩემს სასახლეში  
მივიღებო.

ამავე დროს ნიკომიდიასი სცნოვრებდა  
მოხუცებული ძღუდელი ერმოლაოზი. ერმოლა-  
ოზი და რამდენიმე სხვა ქრისტიანი უსჯულო-  
თაგან დევნისა გამო ერთს მიფარებულს სახლში  
იდგნენ. სასახლეში წასულის ან წამოსულის  
დროს ჰანტელეიმონს ამ სახლის გვერდით  
უნდა გაეყო. ერმოლაოზი ჰხედავდა გაძულელ-

გამომვლელს ჰანტელეიმონს, შეატყობ რა კანცის  
უნდა გამოსულიყო იგი, ერთხელ წინ დახვდა ზ  
სახლში მიიწვია. ჰანტელეიმონიც სიამოვნე-  
ბით გაჰყვა. ერძოლაოზმა სახლში გამოჰკით-  
ხა ჰანტელეიმონს, ვისი შვილი ხარ და  
რა სარწმუნოებას აღიარებო. ჰანტელეიმონმა  
უპასუხა, ევსტორგის შვილი ვარ, მამა-ჩემი  
კერძთ თაყვანის-მცემელია, დედა-კი ქრისტიანი  
მყავდა და მომიკვდა.

— შენ რომელი სარწმუნოება გიჩვენია,  
ჰკითხა ერძოლაოზმა.

— დედა ჩემი ხშირად მესაუბრობდა  
ქრისტეს სარწმუნოების გამო და ძალიანაც  
შემიყვარდა იგი, მაგრამ მამა ჩემი ძალას მატანს  
და მეუბნება, ჩემი სარწმუნოება აღიარეო,  
უპასუხა ჰანტელეიმონმა.

— სწავლობ რასმე? და თუ სწავლობ, რასა  
სწავლობ? ჰკითხა ერძოლაოზმა.

— ექიმობას ვსწავლობ, უპასუხა ჰანტე-  
ლეიმონმა. მასწავლებელი ასკლიზისა, ჰინოკ-  
რატისა და გალლინის სწავლა-მეცნიერებას

მასწავლის და მარწმუნებს, როცა ამას კარგად შეითვისებ, მეტე ყოველ გვარს სენს ადვილად განჭკურნავ და შემდეგ სასახლეში გაგამწესებ სამსახურშიო.

— კეთილო ჭაბუკო! უთხრა ერმოლოსმა, დაიჯერე, რომ არც ერთისა, არც მეორისა ჭ არც მესამის სწავლა არ არის საკმაო და ბევრს ვერაფერს შეგძენს; ამასთან არც ის არის ჭეშმარიტი ღმერთი, რომელსაც მამაშენი და ამდენი ხალხი თაყვანსა სცემს. რასაც ამ ღმერთებსედ ამბობენ, - სულ ზღაპარი და მოკონილია. ჭეშმარიტი ღმერთი მხოლოდ ზეციერი ღმერთი იესო ქრისტეა. თუ ქრისტეს იწამებ, იმის სახელის მოწოდებით შეგიძლია ყოველ გვარი ავადმყოფობა განკურნო. ერთი იმისი ბრძანება საკმაოა, რომ შეიძუსროს და მტვრად იქცეს ის ღმერთები, რომელთაც ამდენი ხალხი თაყვანსა სცემს. მარტო იესო ქრისტეს სამოსლის შესებად განჭკურნა ერთი დედაკაცი, რომელიც თორმეტის წლის განმავლობაში

სისხლის მდინარებისაგან იტანჯებოდა და იკვეებოდა. ვინც იმას იწმუნებს, გულით შეიუვარებს და იმის ნებასეღ გაივლის, იმისთანა ძალას მიიღებს, რომ მთელს ქვეყანას განაკვირებს და ამასთან საუკუნო ცხოვრებასაც დაიმკვიდრებს.

ჰანტელეიმონი მოწიწებით უგდებდა ყურს ერმოლანოსს და ბოლოს უთხრა, დედა ჩემიც სწორედ მაგას მიქადაგებდაო. ამას შემდეგ ჰანტელეიმონი ერმოლანოსთან ყოველ დღე დადიოდა, იმის ქადაგებას ყურს უგდებდა და დღითი დღე ქრისტეს სწმუნოებაში მტკიცდებოდა. ისე შეუუვარდა ერმოლანოსი და იმისი ტკბილი ქადაგება, რომ სასახლეში წასვლისა, ან წამოსვლისას ყოველთვის იმასთან შეივლიდა ხოლმე.



რთხელ ჰანტელეიმონი თავისის მასწავლებლისაგან სახლში მოდიოდა & კვამი მხამიანის კველისაგან დაკბენილი მკვდა-

რი ბავშვი ნახა. გველიც იქვე დასრიალებდა. ჰანტელეიმონს შეეძინდა ო უკანვე გამოიქცა, მაგრამ ისევ ძაღვ შეჩერდა. იფიქრა, აი ესლანა დრო შევიტყო, თუ რამდენად მართალია ერმოლანოვის ნათქვამი სიტყვებიო. მიჰმართა ზეცას და წარმოხატვა: უფალო იესო ქრისტე, თუძცა ღირსი არა ვარ, მაგრამ თუ გნებავს, რომ შენი მონა ვიყო, ჰქმენ სასწაული, ეს ბავშვი განაცოცხლე ო გველი მოჰკალიო. ბავშვი მაშინვე წამოდგა, გველი ორად განიკვეთა და სული განთხიან. ჰანტელეიმონი მთლად სიხარულად გარდაიქცა, ერმოლანოვთან გაემშურა და ყოველივე უამბო. განხარებულმა ერმოლანოვმა წაიყვანა ჰანტელეიმონი და თავის თვალთ ნახა ის ადგილიცა, ორად გაკვეთილი გველიც და ღმერთს მადლობა შესწირა. შემდეგ ჰანტელეიმონი სახლში წაიყვანა და მონათლა. აქვე წირვა გადაიხადა და ახიარა. ჰანტელეიმონი იქ ერთს კვირას დარჩა, ცივს წყაროს საუთ ეწაფებოდა ერმოლანოვის ქადაგებას, და

შემდეგ სახლში დაბრუნდა. როცა სახლში მოვიდა, მამამ ჰკითხა:

— შეილო, სად იყავი აქამდე? ასე მეგონა რაღაც უბედურება შეგემთხვა.

— სასახლეში ვიყავი ჩემს მასწავლებელთან, უპასუხა ჰანტელეიმონმა. ავადმყოფი იყო მოსარჩენი და სანამ არ მოჩნა, არ გამოგვიშვეს.

ჰანტელეიმონმა ყოველივე ეს იგავით უთხრა: მასწავლებლად ერმოლანოსი იგულისხმებოდა, სასახლედ იმისივე სახლი, საცა ერმოლანოსმა წირვა გადაიხადა, ხოლო ავადმყოფად ჰანტელეიმონი თავის თავსა სთვლიდა, ვიდრე მოინათლებოდა. ექიმობაც ის იყო, რომ ჰანტელეიმონი ერმოლანოსისაგან სწავლამოდგურებას ისმენდა. ასე შორიდან მამას იმიტომ უთხრა, რადგან ჯერ დრო არ იყო, რომ იმისათვის გული გადაეშალა და ყოველივე დაუფარავად ეამბნა.

ამის შემდეგ ჰანტელეიმონი გარეგნად

წინანდებურად იქცეოდა, გული-კი ქრისტეს  
სიუპარულოთ ეღვწნებოდა. ამასთან ძალიან  
სწუხდა თავის ძამის ურწმუნოებისა გამო და  
სულ იმასა ფიქრობდა, როგორ მოვაქციო ჭ  
ვაწამო ჭეშმარიტი ღმერთიო.

ზანტელეიმონმა ჯერ შორიდგან დაიწყო  
საქმე. მამას ეოველ დღე ეკითხებოდა იმათ  
ღმერთების შესახებ და აი ერთხელ რა ჭკითხა:

— მამა, მითხარ, ეს როგორ არის ჩვენი  
ღმერთების საქმე, რომ რომელიც ჭხის, ვერა-  
სოდეს ფეხზედ ვერ ადგება ჭ რომელიცა სდგას,  
ვერ დაჯდება?

— რა ვიცი, შვილო, უზასუნა მამამ. ჩემ-  
თვის ეკ სრულიად გაუგებარია და არ ვიცი  
რა კიზასუნო.

ამისთანა კითხვებით ზანტელეიმონმა მამას  
სარწმუნოება შეურყია და კერძ ღმერთებზედ  
გული ააცრუებინა. ზანტელეიმონს უხაროდა  
და გულში ამბობდა, ღმერთმა მომხედა და  
ჩემი გულის წადილი შემიძრულაო. ზანტელე-



იმონმა მოიწადინა მამის სახლში ამართულის  
კერძების შემუსვრა, მაგრამ იფიქრა, იქნება  
ეჭავროს და უარესი ჰქმნასო. არჩია ისევ  
სხვა ნაირად მოეგვარებინა საქმე.

ერთხელ ჰანტელეიმონთან ბრძა მივიდა  
და დიდის ხვეწნით სთხოვა, როგორმე თვა-  
ლები მომიჩინეო. საცხოვრებელი გადავალე  
ამის ექიმობას და არა მეშველა-რა. წინად კიდევ  
ვხედავდი ცოტაოდენს, წამლობის შემდეგ-კი  
სულ დაუბრძავდიო.

— რას მომცემ, რომ მოგარჩინო? ჰკითხა  
ჰანტელეიმონმა.

— სულ შენ მოგართმევ, რაც-კი გამაჩნია,  
უჭასუსა ბრძამ.

— მე შენი არა მინდა-რა, უთხრა ჰანტე-  
ლეიმონმა. რასაც მე მჭირდება, ის გლახებს  
მიეცი, მე-კი ცისა და ქვეყნის გამჩენს ღმერთს  
ვსთხოვ, რომ ძალე აღგეხილოს თვალები.

ჰანტელეიმონის ძამამ ეს სიტყვები გაიგონა  
და უთხრა:

— შვილო, მაკ ავადმოფოს ხელს ნუ ჰკიდებ, თორემ ტყუილად სირცხვილსა სჭამ. შენზედ გამოცდილმა ექიმებმა ვერა განწევეს-რა და შენ რას გარჩებო.

— არც ერთმა არ იცის ის, რა წამალიც მე ვიცი, იმიტომ-რომ ჩემი მასწავლებელი სულ სხვაა და იმათი სხვა, უზასუსა ჰანტელეიმონმა.

მამას ეგონა ეფროსინესას აძობსო და უთხრა:

— როგორც გავიგე, თვით შენს მასწავლებელს ეფროსინესაც უეჭიმნია მაკ კაცისათვის.

— ცოტა დამაცადე, მამავ, და ესლავე გაჩვენებ ჩემის წამლის ძალას, უთხრა მამას ჰანტელეიმონმა, მივიდა ბრძანთან, თვალებზედ ხელი დაადო და სთქვა:

— იესო ქრისტეს სახელით, რომელიც განანათლებს ყოველსა კაცსა, მოძვალსა სოფლად, აგესილოს თვალები.


— იმ წამსვე ბრძანს თვალები აეხილა

და იმანაც და ჰანტელეიმონის ძამამაც ქრისტე იწამეს და მოინათლნენ. ძამამ ჰანტელეიმონის დახმარებით თავის სახლში აძარტული კერპები დაამსხვრია, ჯურღმულში ჩაჭყარა და ზედ მიწა დააფრეკინა.



ესტორგი გარდაიცვალა, ჰანტელეიმონმა ყმები განათავისუფლა და ძამის საგან დატოვებული ქონება ზოგი იმათ აჩუქა და ზოგიც კლახებს დაურთო. ჰანტელეიმონი თითონ დადიოდა გაჭივრებულს და ავადმყოფ ხალხთან, გაჭივრებულს ფულთ ეწეოდა და ავადმყოფს ხან წამალთ და ხან სასწაულთ ჰკურნებდა. ჰანტელეიმონის ამბავი რომ გაიგეს, დიდ-ძალი ხალხი მოაწედა, ზოგი ფულსა სთხოვდა და ზოგი განკურნებას. ექიმებმა შური აიღეს, რომ ყველა ავადმყოფი ჰანტელეიმონთან მიდის, ჩვენ-კი ცალიერი ვრჩებითო, და მოიწადინეს იმისი დაღუპვა.

ერთხელ ჰანტელეიმონისაგან მოჩენილი



ბრმა ქალაქში დადიოდა; ექიმებმა იცნეს მათი ნაექიმევი კაცი, დაუძახეს და ჰკითხეს, თვალი ვინ მოგიჩინაო. «ჰანტელეიმონმაო», უპასუხა თვალ-ახელილმა. ექიმებმა განკებ და ფარისევლურად წარმოსთქვეს: «აი, დიდებული მოწაფე დიდებულის მასწავლებლისაო!» და გულში საშინელი შური აღეძრათ. ამ დღის შემდეგ ექიმებმა ჰანტელეიმონს თვალ-ყურის დევნა დაუწყეს, უნდოდან რამე მიხეზი ეპაუნათ და მთავრობასთან დაესძინათ. რადგან ჰანტელეიმონი საზერობილეში დადიოდა, ქრისტიანებს ეწეოდა და ნუგეშს აძლევდა, ექიმებმა მიხეზად ეს მოიღეს და ჰანტელეიმონი მეფესთან დაასძინეს.

— მეფეო, უთხრეს: ის ჭაბუკი, რომელიც შენ გამოხარდე და რომლისათვისაც იმდენი ზრუნვა გასწიე, დადის ჩვენის ღმერთების მკობელ ქრისტიანებთან, წამალს აძლევს და არჩენს. ამას გარდა ბევრი ხალხი მოუქცევია და გადაუბირებია. თუ დროსედ

არ დასაჯე ამისთანა მოქმედებისათვის, მჭეულს  
სახელმწიფოს დიდს განსაცდელში ჩაატყდებს.  
ვითომ რაღასაც სასწაულთ-ჭმოქმედებს და ამ-  
ბობს, იესო ქრისტეს ძალით ვმოქმედობო. თუ  
ჩვენ არ დაგვიჯერებთ, ჰანტელეიმონის მოწიყ-  
ნილი ბრძა მოაყვანინეთ და იძასა ჰკითხეთ.

მეფემ დაიბარა ჰანტელეიმონისაგან თვალ-  
ახელილი კაცი და ჰკითხა:

— ჰანტელეიმონმა თვალი როგორ მო-  
კირჩინა?

— თვალებზედ ხელი დამადო, იესო ქრის-  
ტეს სახელი ახსენა და მაშინვე ამეხილა,  
უზასუსა თვალ-ახელილმა.

— მეზე, როგორ გკონია, ვისის ძალით  
აკეხილა თვალები?

— აი ექიმებიც ხომ აქ არიან. მთელი  
ჩემი ქონება მაგათ გადავალე და იძის მა-  
კიერ, რომ ეშველნათ რაძე, მთლად დამაბრ-  
მავეს. ჩვენს ღმერთებსაც ბევრი ვესვეწე, მაგ-  
რამ იმათგანაც არა გამოვიდა-რა. ჰანტე-

ლეიმონმა-კი თვალებზედ ხელი დამადო, იესო ქრისტეს სახელი ახსენა და მაშინვე ამეხილა.

— ნუ სულელობ და იესო ქრისტეს სახელს აქ ნუ ახსენებ. იესო ქრისტეს-კი არა, ჩვენს ღმერთებს აუხელია შენთვის თვალები.

— მე-კი არა, შენ სულელობო, უჭასუნა თვალ-ახელილმა. თქვენი ღმერთები თითონ ბრძანი არიან და მე თვალებს როგორ ამიხელდნენ; შენც ბრმა ხარ, რომ ისინი ღმერთად მიგაჩნია და თაყვანსა სცემ.

— ეხლავე თავი მოჭკვეთეთ!.. შესძახა განრისხებულმა მეფემ და მართლის აღმსარებელს კაცს მაშინვე ტანიდგან თავი განამორღეს.


**მ**ეფემ ჰანტელეიმონის მოყვანაც ბრძანა. ჰანტელეიმონი მიიყვანეს და როცა მიჭყავდათ, გზაში დავითის ფსალმუნს ჰგალობდა. მეფემ ჯერ ტკბილად უთხრა:

— ჰანტელეიმონ, შენ შესახებ ცუდი ამბები გავიგონე და არ ვიცო რამდენად მართა-

ლია. ამბობენ, ვითომ ჩვენს ღმერთებს უარ-  
ჰყოფ ო ვიღაც ჯვარსედ გაკრულს იესო ქრის-  
ტეს აღიარებ ღმერთად. ხომ იცი, თაობიდგან-  
ვე რა სიკეთეც მინდოდა შენთვის, საუკეთე-  
სო მკურნალს მიგაბარე, რომ ექიმობა გეს-  
წავლა და მეჩუ ჩემს სასახლეში გამემწესები-  
ნე. ესლა ჩემი სიკეთე თითქო დაგვიწყებია  
და გამოსდგომინარ რაღაც ცრუსა და მანუ-  
ბელს სარწმუნოებას. მე მანც-და-მანც არა  
მჯერა, რასაც ამბობენ, არა მჯერა იმიტომ,  
რომ ხალხის ნათქვამს ეგელაფერში არ უნდა  
დაენდოს კაცი. აი ამისთვის, ცილის მწამე-  
ბელთა შესარცხვენად და სამხილებლად, ეს-  
ლავე თაყვანი ეცი ჩვენს ღმერთებს, მსხვერპლი  
შესწირე და ამითი შენი სიძარტლე დაამტკიცე.

— სულ ძარტალია, რაც უთქვამთ, უბა-  
სუსა ზანტელეიმონმა. მე თქვენის ღმერთები-  
სა არა მრწამს-რა. მრწამს მხოლოდ უფალი  
იესო ქრისტე და თაყვანსა ვსცემ კი-  
დეც. თვით იმისსავე საქმისაგან ვსცანი, რომ

იგია ჭეშმარიტი ღმერთი. იმის გაჩენილია  
ცა ზღაღღაღა, იმან მკვდარნი განაცოცხლა,  
ბრძებს თვალი აუხილა, ერთის სიტყვის  
თქმით განრღვეული აღადგინა. თქვენს ღმერ-  
თებს-კი არც ერთხელ არ გამოუჩინათ არა-  
ვითარი სასწაული და ან-კი რას გამოიჩენდენ,  
რაც არ შეუძლიანთ. თუ იესო ქრისტეს ძა-  
ლა გინდათ შეიტყობთ, მოაუვანინეთ იმისთანა  
ავადყოფი, რომლის მოჩინაზედაც ექიმებს  
უარე უთქვამთ, დაიბარეთ თქვენი ქურუმებიც  
(კერწთ-მოდვარნი). ქურუმებმა თავიანთ ღმერთს  
სთხოვონ ავადყოფის მოჩინა და მე ჩემსას.  
რომლის ძალამაც გასჭრას, ყველამ ის ვიწა-  
მთ ღმერთად.

 ეფეს მოეწონა რჩევა, მოაუვანინა ქუ-  
რუმებიცა და ავადყოფიც. ქურუმებმა  
ზანტელეიძონს უთხრეს:

— ჯერ შენ სცადე ავადყოფის მოჩინა და  
მერე ჩვენ.

— არა, უთხრა ზანტელეიძონმა: თუ პირვე-




ლად მე მოვარჩინე ავადმყოფი, მეცე თქვენ ვინღა უნდა მოვარჩინოთ. ჯერ თქვენ სცადეთ და თუ თქვენმა ლოცვამ გასჭრა და ავადმყოფი მოჩხა, მაშინ ჩემის ღმერთის მოწოდება რაღა საჭირო იქნება.

ქურუბები დასთანხმდნენ, ბევრს ეხვეწნენ და ელაღდნენ თავიანთს ღმერთებს. ჰანტელეიმონი რომ ჰხედავდა იმათს უქმსა და უნაყოფო ღაღადებს, ჰირზედ ღიმილი მოსდიოდა. მეუკე შეამჩნია ეს ღიმილი და უთხრა, აბა ესლა შენა სცადე, თუ რამ შეგიძლიათ. ჰანტელეიმონი მივიდა ავადმყოფთან, ჯერ სასოებითა და სიუვარულით ილოცა და მეცე ავადმყოფს უთხრა:

— სახელითა იესო ქრისტესითა განიკურნე და ქვეშსაგებიდამ წამოდევი.

ავადმყოფი მსწრაფლ განიკურნა, ლოგინიდან წამოდგა, ჰანტელეიმონს მადლობა გადაუხადა, თავისი ქვეშსაგები მოიკიდა და სიხარულით გასწია სახლისაკენ.

იდ ძალმა ხალხმა იწამა ქრისტე. ქუ-  
რუები-კი ბრახისაგან კბილებს იღრ-  
ჭენდნენ და აღარ იცოდნენ რა ექნათ.  
ბოლოს მეფეს უთხრეს:

— თუ ჰანტელეიმონი ცოცხალი დარჩა, ხალ-  
ხი ჩვენს ღმერთებს სულ დაივიწყებს, ეველს  
მაგას მიემხრობა, ქრისტიანები სასაცლოდ  
აგვიღებენ, გაგვიბატონდებიან, ისინი დაწინა-  
ურდებიან და ჩვენი-კი ეველაფერი დაითრგუ-  
ნება და დაიხაკრება. სჯობს, ნუღარ დაახა-  
ნებ და ესლავე მოაკულევი.

— ჰანტელეიმონ! უთხრა მეფემ: მე შენი  
სიკეთე მსურს, ამისათვის ჩემი დაიჯერე და  
ჩვენს ღმერთებს მსხვერპლი შესწირე. სომ  
იცი, რამდენი დამისოცია ჩვენის ღმერთების  
წინააღმდეგნი. იქმნება შენ არც-კი გაგიგო-  
ნია, თუ რა საშინელის ტანჯვით მოკლულ  
იქმნა მოხუცებული ანთიმონი ასეთის ურ-  
ჩობისათვის.

— მეფე! ვერც შიში და ვერც მოფერე-

ბა ჩემს გულს ვერ შესცვლის, იმიტომ რომ მე თითონვე მწუწრიან იესო ქრისტესთვის სიკვდილი. ან რა უნდა იყოს შიში და მოფერება იმისთვის, ვისაც იესო ქრისტე უფვარს და იმის გულისთვის სიკვდილი ნეტარებად მიაჩნია. ანთიმოზი მოხუცებული და სუსტი იყო და მაინც გაუძლო დიდს ტანჯვას, მე ხომ ახალგაზდა ვარ და უფრო ადვილადაც გაუძლებ. ან ქრისტესთვის სიკვდილი განა სიკვდილია, სიკვდილი კი არა, ნამდვილი სიცოცხლეა.

მეფემ იმედი გადაიწევიტა და ბრძანა, ჰანტელეიმონი ხეხედ გააკარით, წვეტიანის რკინის ჩანგლებით ხორცი დააგლიჯეთ, გვერდებში სანთელი შეუკიდეთ და ისე აწამეთო. მაგრამ ხეხე გაკრულმა ჰანტელეიმონმა მხურვალედ ილოცა და ღმერთს ტანჯვის შემსუბუქება სთხოვა. მაშინვე წარმოუდგა ერმოლანოვის სახით იესო ქრისტე და უთხრა: «ჰანტელეიმონ, ნუ გეშინინ, რამეთუ მე შენთან ვარ».

ანთებული სანთლები გაჭქრა, მტანჯველები მოდუნდნენ, მკვდარს დაემკვსავსნენ და ხელიდგან იარაღი დასცვივდათ. მეფემ ჰანტელეიმონი სიღამ მოახსენევინა და ჰკითხა:

— მითხარი, რა ძალაა ეგ შენი ძალა?

— ჩემი ძალა იესო ქრისტეა.

— უფრო მეტი ტანჯვა რომ მოგაყენო, მაშინ რას იზამ?

— იგივე ქრისტე იქნება ჩემი შემწე. იგი დიდს ტანჯვასთან დიდს მოთმინებას მომცემს და დიდის მოთმინებისათვის-კი დიდს ჯილდოს.

— ქვაბში კალა აადრულეთ და ჰანტელეიმონი შიგ ჩააგდეთო, ბრძანა მეფემ.

ჰანტელეიმონმა კიდევ ილოცა სასოებითა და სიყვარულით და ისევ გამოეცხადა უფალი ერმოლაროსის სახით, ხელი მოჭკიდა და ადრულებულს ქვაბში ჩაიყვანა. ქვაბს ქვეშ ცეცხლი გაჭქრა და ადრულებული კალაც იმ წამსვე გაცვივდა. მაყურებელი ხალხი გაოცდა. მარტო მეფე არაფრად აგდებდა ამ ამბავს და

კიდევ იმას ჭფიქრობდა, რა სასჯელი მოვი-  
გონო ისეთი, რომ ჰანტელეიმონს გული  
შეუცვალაო.

თავის კარის-კაცებს დაეკითხა: მირჩიეთ,  
ჰანტელეიმონს რა მოუხერხაო. იმათ ურჩიეს,  
ზღვაში ჩააგდებინე და დაიწრობაო.

**ჰ**ანტელეიმონი ჩასვეს ნავში, ზღვაში  
შეაცურეს, ეელში დიდი ქვა გამოა-  
ბეს და ნავიდგან გადააგდეს. ქვამ ნა-  
ვის მაგირობა გაუწია ჰანტელეიმონს და ამ  
ქვისავე საშუალებით ზღვის ნაპირას გამოვიდა.

— საკვირველია, რომ ზღვაცუკი შენ გე-  
მოწილება, უთხრა მეფემ.

— მე-კი არა, თავისს გამჩენს ემოწი-  
ლებაო, მიუგო ჰანტელეიმონმა.

— წაიყვანეთ ჰანტელეიმონი და ნადირს  
მიუგდეთ, ბრძანა მეფემ.

მეფე და მთელი ხალხი შეიკრიბა დანიშ-  
ნულს ალაგას. ჰანტელეიმონიც მიიყვანეს.

— აი ეს მხეცები შენთვის არის დამზადებული, უთხრა ჰანტელეიმონს მეფემ. თუ ცოტაოდენი ჭკუა შეგჩენია და სიცოცხლეს რადმე აფასებ, ნუღარა უჩიობ.

— აქამდე არ დაგიჯერე და ეხლა, როცა ღმერთმა აძლენი სასწაული მახვენა, როგორღა დაგიჯერებ? უზასუნა ჰანტელეიმონმა.

მსახურებმა ჰანტელეიმონს ხელი ჰკრეს და შეაგდეს იმ ალაგას, სადაც დამძეული მხეცები უნდა გამოეშვათ, მხეცებიც გამოუშვეს. ეველა გულის ფანცქალით მოელოდა ჰანტელეიმონის ლუკმა-ლუკმად ქცევას, მაგრამ მოლოდინი მოულოდნელობად შეიცვალა. მხეცები მოწიწებითა და მოწიდავებით მივიდნენ ჰანტელეიმონთან და ლაქუცი და ფეხის ლოკვა დაუწვეს.

— დიდ არს ქრისტიანეთა ღმერთიო! დაიგრიალა ხალხმა. გაუძვით და ნუ სტანჯავთ მაკ უდანაშაულო ჭაბუკსაო!

მეფე განცეცხლდა, მთლად ბრახად გადაიქცა და ჯარს უბრძანა:

— ეკ მხეცებიც და ისინიც დახოცეთ, ვინც ქრისტეს სახელს აღიარებსო.

— დიდება შენდა ქრისტე, რომ მხეცებიც-კი ეწამენ შენის გულისათვისაო! წარმოსთქვა ზანტელეიმონმა.

იმედ-გაცრეულებულმა და გაბოროტებულმა მეფემ ბრძანა: ზანტელეიმონი საპრობილეში დაამწუკრივებ და დახოცილი მხეცები ძაღლებს მიუყარეთო. მაგრამ ღმერთმა აქაც გამოიჩინა თავისი ძალა. ძაღლები სიანლოვესაც ვერ მიეკარნენ მხეცებს. ეს ამბავი მეფეს აცნობეს და ბრძანა მხეცები მიწაში დაჭუბლითო.

— რა მოუხერხო, რომ ამდენი ხალხი გადაიბირა ზანტელეიმონმა? ჰკითხა მეფემ ვარის-კაცებს.

იმათ ურჩიეს:

— გააკეთებინე ისეთი თვლები, რომ კარშემო მჭრელი ზირი და ბასრი მახვილები ჰქონდეს, ეს თვლები ძაღლს ალაგას აატანინე, ზანტელეიმონი ზედ დააკრევიანე და ძირს დააკორებინე.

**ა**აკეთეს თვლები და გორანსედ აატანინეს. აუარებელი ხალხი შეიკრიბა საეურებლად. ჰანტელეიმონიც მოიყვანეს, ამ თვლებსედ გადააკრეს და თვლები ძირს დააკორეს, მაგრამ ჰანტელეიმონი გორანსევე დარჩა უვნებელი, თვლები-კი წამოვიდა გორან-გორით ძირისაკენ, დაეჯახა მყურებელს ხალხს და ბევრი ამოჟლიტა.

— ვინ გასწავლა ჰანტელეიმონ ეს გრძნეულება? ჰკითხა მეფემ.

— გრძნეულება-კი არა, იესო ქრისტე მწამს და იმის ძალით ვმოქმედებ, უპასუხა ჰანტელეიმონმა.

— იესო ქრისტეს სარწმუნოება ვინლა გასწავლა?

— ერძოლაოზმა.

— ერძოლაოზი ვინ არის და სად არის? ჰანტელეიმონმა იფიქრა, იქნება ერძოლაოზის სიტყვამ გასჭრას მეფესედაო და უთხრა: თუ გსურს ერძოლაოზს აქ მოგიყვანო.



ზანტელეიმონს ორი მხედარი გააყოლეს ჭ  
როცა მივიდნენ, ერძოლაოზმა ჰკითხა ზანტე-  
ლეიმონს:

— შვილო, რისთვის მოხვედით ჩემთან?

— მეფე გიბარებსო, უთხრა ზანტელეი-  
მონმა.

— კარგის საქმისთვისაც მოსულხარ შვი-  
ლო, უთხრა ერძოლაოზმა. წუხელ გამოძეცხა-  
და უფალი და მითხრა, შენც ზანტელეიმონ-  
სავით უნდა ეწამოყო.



ერძოლაოზმა თავისი ორი მოწაფე წაი-  
ყვანა და სინარულით გაჰყვა მეფეს-  
თან. როცა მივიდნენ, მეფემ ჰირვე-  
ლად სახელი ჰკითხა. ერძოლაოზმა თავისი  
სახელიც უთხრა და თან დასძინა, რომ ქრის-  
ტიანი ვარო.

— კიდევ თუ ვინმე გყავს შენის სარ-  
წმუნოებისა? ჰკითხა მეფემ.

— ორი მოწაფე მახლავს, ერძივა და  
ერძოკრატე, უპასუხა ერძოლაოზმა.

მეფემ მოაყვანინა ისინიც, სამივე ერთად დააყენა და ჰკითხა.

— თქვენ გადაიბირეთ ჰანტელეიმონი და ჩვენს ღმერთებსედ უარია ათქმევინეთ?

— ჩვენ-კი არა, თვით უფალმა ინება ასრე, უპასუხეს იმათ. იგი უჩვენოდაც გამოიყვანს კაცს სიბნელისაგან და ჭეშმარიტების გზასედ დააყენებს.

— მაგ გუარის ლაპარაკით ტყუილად თავს ნუ მატყურობთ, უთხრა მეფემ. უკეთესია ჰანტელეიმონს ურჩიოთ, რომ ჩვენს ღმერთებს თავიანი სცეს. მაშინ თქვენცა და იმასაც დანაშაულს განატყუებთ და ჩემს სახელმწიფოში უმაღლესს ადგილს მოგცემთ.

— ჩვენ მაგ გუარის რჩევას ვერ მივიღებთ, იმიტომ რომ ჩვენიცა და ჰანტელეიმონის სურვილიც მხოლოდ ის არის, რომ ქრისტეს გულისათვის ვიწამოთ.

ერმოლოაოზმა ზე იმისმა მოწაფეებმა ილოცეს, მსწრაფლ იძრა მიწა და იქაურობა შეირყა.

— აიო, წამოიძახა მეფემ: სომ ჰხედავთ, როგორ განრისხდნენ ჩვენი ღმერთები, მიწაცუკი იძრა.

— მარტალს ამბობ, უთხრეს იმათ: მიწა იმიტომ იძრა, რომ თქვენი ღმერთები ძირს ჩამოცვივნილიყვნენ და დამსხვრეულიყვნენ.

იმ წამსვე მეფეს ამბავი მოუტანეს, რომ ჩვენი ღმერთები ძირს ჩამოცვივდნენ და ძტვრად იქცნენო. მეფე განრისხდა და სთქვა, თუ ეს გრძნეულები არ მოვაკვლევი, მთელს სახელმწიფოს დამიდუზავნო. ჰანტელეიმონი საპრობილეში გაჰკისანა და ერმოლანოს და იმის ორს მოწაფეს-კი თავები მოაკვეთინა. მეფემ ხელახლად მოაყვანინა ჰანტელეიმონი და უთხრა:

— ჰანტელეიმონ, არ იფიქრო, ცოცხალი გადაშიჩე. რამდენი ქრისტიანი შემიძინებია, უარს მითქმევინებია და მომიქცევია ქრისტიანობისაგან. მარტო შენ გამიხდი ურჩი. შენმა მასწავლებელმა ერმოლანოზმა და იმის-

მა ორმა მოწაფემაც-კი უარ-ჰყვეს ქრისტე და ჩემს ბრძანებას დაემოხილნენ. ამისთვისაც ისინი დაუაჯილდოვე და სასახლეში მივიღე. შენც იმათსავით მოიქეცი და იმათსავითვე დაგაჯილდოვებ. იცოდე, რამდენადაც სასტიკი ვარ ჩემის ურჩისა, იმდენადვე მოწუალე ვარ ჩემის მორჩილისა.

ზანტელეიმონი მიხვდა, რომ მეფე მატყუებსო, და სთხოვა, მაჩვენე ისინიო.

— სხვა ქალაქში გაგკსაუნე მეტის სიმდიდრის მისაღებადაო.

— მართალს ამბობ, უპასუხა ზანტელეიმონმა: შენ იგინი მოაკულეუინე და გაისტუმრე იქ, საცა მართლა ნამდვილი და დაუმრეტელი სიმდიდრეა.

**მ**ეფემ სრულიად იმედი გადაიწვიტა ზანტელეიმონის გადმობირებისა და ჰბრძანა, ჯერ ბევრი სცემეთ, მერე თავი მოჰკვეთეთ და ცეცხლში დასწვითო.

ჰანტელეიმონი გაიეუანეს ქალაქს გარედ და ზეთის ხილის ხეხედ მიაკრეს. ჰანტელეიმონმა აქაც მხურვალედ ილოცა. მესმლემ ხმალი შემოჰკრა, მაგრამ ხმალი გადიზნიქა და ჰანტელეიმონი უვნებელი დარჩა. მესმლენი შეშინდნენ, ჰანტელეიმონს ფეხთ ქვეშ ჩაუვარდნენ და ჰატეება სთხოვეს.

— ჰანტელეიმონ! ხმა იყო ზეცით: მოვედ შენთვის განმზადებულს სასუფეველში. მონიჭებია შენთვის მადლი; ვინც სასოებითა და სიუვარულით მოკმართოს, დიდი ნუგეში მიეცეს ყოველსა ჭირსა და განსაცდელში.

ჰანტელეიმონი განუსაზღვრელის სიხარულით აღივსო და მესმლეთ სთხოვა, თავი მოძკვეთეთო, მაგრამ იმათ უარი უთხრეს. ჰანტელეიმონმა განუძეო, მეფის ბრძანებას ნუ გადახვალთ და თავი მოძკვეთეთ, თორემ უფლისაგან ვერაფერს ჯილდოს ვერ მიიღებთო. მესმლენი დიდის სიუვარულითა და მოწიწებით ეამბორნენ ჰანტელეიმონს და შეძრევ თავი

მოჭკვეთეს. იმ ხემ, რომელსედაც ჰანტელეი-  
მონი იყო გაკრული, ძრავლად ნაყოფი მოისხა.  
იქ დამსწრე ხალხმა იწამა და აღიარა ქრისტე.  
მეფემ ის ხეც მოაჭრეინა და ჰბრძანა, ჰანტე-  
ლეიმონთან ერთად დასწვითო, მაგრამ ჰანტე-  
ლეიმონის წმ. გვამს ცეცხლი ვერ მიეკარა და  
ქრისტეს მოწმუნებმა მიწას მიაბარეს.

ჰანტელეიმონის ცხოვრებას თვალ-ყურს ადუ-  
ვნებდნენ ლავრენტი, ვასსი ჭ ჰროვი, და რაც  
ნახეს, ყოველივე ასწერეს. წმ. ჰანტელეიმონი  
ასვენია ათონს, იმისსავე სახელობაზედ აშენე-  
ბულს ეკკლესიაში. ნაწილი მისის წმ. გვამი-  
სა ბევრს სხვა ეკკლესიაშიაც არის დაკრძალუ-  
ლი. იგი ეხლაც ბევრს სასწაულს იქმს და  
დიდი შემწე და ნუკეშია იმისი, ვინც სასოე-  
ბითა და სიუვარულით მიჰმართავს.



6 / 301 / 35

ფანი 5 კვ.